



*Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko Vijeće*

Lukavac, 09.03.2010.godine

**SLUŽBENI GLASNIK
OPĆINE LUKAVAC**

SADRŽAJ BROJA 2/10

Akti Općinskog vijeća

1. Odluka o izmjeni i dopuni Odluke o komunalnim taksama
2. Odluka o izmjeni Odluke o službama organa državne službe Općine Lukavac
3. Odluka o visini naknade za rad u Općinskoj izbornoj komisiji za 2010.godinu
4. Odluka o finansiranju parlamentarnih grupa u Općinskom vijeću Lukavac
5. Odluka o usklađivanju statusa javnog preduzeća sa Zakonom o javnim preduzećima i utvrđivanju oblika organizovanja
6. Zaključak o davanju saglasnosti za zaključivanje van sudske nagodbe između Općine Lukavac i JZU Dom zdravlja Lukavac, vezano za dug za usluge mrtvozorstva
7. Rješenja o izmjeni Rješenja o imenovanju vršioca dužnosti Općinskog pravobranioca

Akti Općinskog načelnika

1. Rješenje o imenovanju općinske Komisije za procjenu šteta od prirodnih i drugih nesreća



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj : 01-02-1-240/10.
Lukavac, 02.03.2010.godine

Na osnovu člana 13. stav 3. Zakona o pripadnosti javnih prihoda u FBiH („Službene novine FBiH“, broj: 22/06), člana 8. stav 3. alineja 20. i člana 36. Zakona o principima lokalne samouprave („Službene novine FBiH“, broj: 49/06) i člana 32. stav 1. tačka 4., Statuta općine Lukavac – prečišćeni tekst („Službeni glasnik općine Lukavac“, broj: 5/08), Općinsko vijeće Lukavac, na 18. redovnoj sjednici održanoj 25.02.2010. godine, donijelo je

ODLUKU
o izmjeni i dopuni Odluke o komunalnim taksama

Član 1.

U Odluci o komunalnim taksama („Službeni glasnik općine Lukavac“, broj: 10/09) u Tarifi komunalnih taksi (u daljem tekstu: Tarifi), u Tarifnom broju 1. tačka IV. INTELEKTUALNE, PROFESIONALNE I OSTALE USLUGE, podtačka 7. se mijenja i glasi :

Redni broj	DJELATNOST	KOEFIČIJENT POGODNOSTI			KD
		ZONA I	ZONA II	ZONA III	
7.	Privatna zdravstvena zaštita: - poliklinika	1,3	1,0	0,5	4,7
	- privatna ordinacija	1,3	1,0	0,5	1,0

Član 2.

U Tarifi, u Tarifnom broju 1. dodaje se stav 4. i 5. i glasi:
„Za sve obveznike takse koji posluju u više poslovnih jedinica, taksa se obračunava i naplaćuje za svaku poslovnu jedinicu.
Za obveznike takse koji se bave prevozom roba i putnika taksa se obračunava i naplaćuje za svako registrovano vozilo za obavljanje djelatnosti“.

Član 3.

Ova Odluka stupa na snagu danom objavljivanja u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-02-1-260/10
Lukavac,02.03.2010. godine

Na osnovu člana 49. Zakona o organizaciji organa uprave u Federaciji Bosne i Hercegovine („Službene novine FBiH“, broj: 35/05) i člana 45.stav 2, a u vezi sa članom 32. Statuta općine Lukavac - prečišćeni tekst („Službeni glasnik općine Lukavac“, broj: 5/08) Općinsko vijeće Lukavac na 18.redovnoj sjednici održanoj dana 25.02.2010.godine, donijelo je

O D L U K U

o izmjenama Odluke o službama organa državne službe općine Lukavac

Član 1.

U Odluci o službama organa državne službe općine Lukavac („Službeni glasnik općine Lukavac“, broj: 1/05, 3/05, 2/06, 9/09 i 1/10) – u daljem tekstu: Odluka, mijenja se član 18a i glasi:

18a

„Na dan 31.01.2010. godine ukida se i prestaje sa radom Služba za urbanizam, prostorno planiranje, geodetske i imovinsko-pravne poslove.

Na dan 31.12.2009. godine ukida se i prestaje sa radom Teritorijalna vatrogasna jedinica Lukavac, a poslove i uposlenike iste preuzima Služba civilne zaštite općine Lukavac“.

Član 2.

Mijenja se član 19a Odluke i glasi:

19a

„Na dan 01.02.2010. godine počinju sa radom, sa djelokrugom poslova utvrđenih ovom Odlukom:

1. Služba za geodetske i imovinsko-pravne poslove i
2. Služba za urbanizam, prostorno planiranje i investicije“.

Član 3.

Ova Odluka stupa na snagu danom objavljivanja u „Službenom glasniku općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-02-1-264/10
Lukavac,02.03.2010.godine

Na osnovu člana 2.12. stav 9. Izbornog zakona BiH („Službeni glasnik BiH“, broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06 i 32/07, 33/08 i 37/08) i člana 32.Statuta općine Lukavac –prečišćeni tekst („Službeni glasnik općine Lukavac“, broj: 5/08), Općinsko Vijeće Lukavac na 18.redovnoj sjednici održanoj dana 25.02.2010.godine, d o n i j e l o j e

O D L U K U
o visini naknade za rad
u Općinskoj izbornoj komisiji za 2010.godinu

Član 1.

Ovom Odlukom utvrđuje se stalna mjesečna naknada za rad, članova Općinske izborne Komisije za 2010.godinu, kao i naknada za tehničkog sekretara Općinske izborne komisije za angažovani period.

Član 2.

Naknada iz člana 1. ove Odluke utvrđuje se u iznosima kako slijedi:

- Članovima OIK-e naknada će se isplaćivati u mjesečnom neto iznosu od 400 KM;
- Tehničkom sekretaru OIK-e naknada će se isplaćivati u mjesečnom neto iznosu od 300 KM.

Član 3.

Odluka stupa na snagu danom objavljivanja u „Službenom glasniku Općine Lukavac“.

**PREDSJEDAVAJUĆI
OPĆINSKOG VIJEĆA**

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-02-1-263/10
Lukavac,02.03.2010.godine

Na osnovu člana 10. Zakona o finansiranju političkih partija („Službeni glasnik BiH“, broj: 22/00, 102/09), člana 32. Statuta općine Lukavac –prečišćeni tekst („Službeni glasnik općine Lukavac“, broj: 5/08) Općinsko vijeće Lukavac na 18. redovnoj sjednici održanoj dana 25.02.2010.godine, donijelo je

ODLUKU
o finansiranju parlamentarnih grupa

Član 1.

Ovom Odlukom reguliše se finansiranje parlamentarnih grupa političkih partija koje participiraju u Općinskom vijeću Lukavac.

Član 2.

Sredstva utvrđena budžetom Općine Lukavac za 2010.godinu u iznosu od 50.000,00 KM raspoređuju se parlamentarnim grupama zastupljenim u Općinskom vijeću Lukavac na način da se:

- 30% sredstava raspoređuje jednako svim parlamentarnim grupama kako slijedi:

Klub vijećnika Stranke demokratske akcije	3.000,00 KM
Klub vijećnika Socijaldemokratske partije	3.000,00 KM
Klub vijećnika Koalicije SDU-LDS i BPS Sefer Halilović i SNSD Milorad Dodik	3.000,00 KM
Klub vijećnika Stranke za BiH	3.000,00 KM
Klub vijećnika manjinskih naroda	3.000,00 KM
Ukupno:	15.000,00 KM

- 70% od ukupnog iznosa raspoređuje se parlamentarnim grupama, srazmjerno broju vijećničkih mjesta koje svaka partija ima u trenutku raspodjele kako slijedi:

Klub vijećnika Stranke demokratske akcije	14.516,12 KM
Klub vijećnika Socijal demokratske partije	6.774,19 KM
Klub vijećnika Koalicije SDU-LDS i BPS Sefer Halilović i SNSD Milorad Dodik.....	2.903,23 KM
Klub vijećnika Stranke za BiH.....	3.870,97 KM
Klub vijećnika manjinskih naroda	1.935,49 KM
Ukupno:.....	30.000,00 KM

- 10% od ukupnog iznosa raspoređuje se Parlamentarnim grupama srazmjerno broju vijećničkih mjesta koji pripadaju manje zastupljenom spolu kako slijedi:

Klub vijećnika Stranke demokratske akcije	3.333,34 KM
Klub vijećnika Socijal demokratske partije	1.666,66 KM
Ukupno.....	5.000,00 KM

Član 3.

Za realizaciju ove Odluke zadužuje se Služba za budžet i finansije.

Član 4.

Ova Odluka stupa na snagu narednog dana od dana objavljivanja u „Službenom glasniku općine Lukavac“, a primjenjivat će se od 01.01.2010.godine.

*PREDSJEDAVAJUĆI
OPĆINSKOG VIJEĆA*

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-02-1-282/10

Lukavac,25.02.2010.godine

Na osnovu člana 311. i 313. Zakona o privrednim društvima („Službene novine FBiH“, broj: 23/99, 45/00, 2/02, 6/02, 29/03, 68/05, 91/07 i 84/08), člana 2. i 3. Zakona o javnim preduzećima F BiH („Službene novine F BiH“, broj: 8/05, 81/08 i 22/09) i člana 32. stav 1. tačka 15. Statuta općine Lukavac – prečišćeni tekst („Službeni glasnik Općine Lukavac“, broj: 5/08) Općinsko vijeće Lukavac na 18. redovnoj sjednici održanoj dana 25.02.2010. godine, donijelo je

O D L U K U

o usklađivanju statusa javnog preduzeća sa Zakonom o javnim preduzećima i utvrđivanju oblika organizovanja

Član 1.

Ovom Odlukom, vrši se usklađivanje sa Zakonom o javnim preduzećima F BiH („Službene novine FBiH“, broj: 8/05, 81/08 i 22/09) statusa Javnog preduzeća „Veterinarska stanica Lukavac“ koje je upisano u sudski registar kod Kantonalnog suda Tuzla pod brojem U/I-2434/90 od 28.05.1991. godine i U/I-3147/97 od 19.11.1997. godine.

Član 2.

Društvo će ubuduće poslovati u obliku društva sa ograničenom odgovornošću, pod nazivom – firmom, kako slijedi:

Naziv društva je: Javno preduzeće VETERINARSKA STANICA LUKAVAC
d.o.o. Lukavac

Skraćeni naziv firme je: JP VETERINARSKA STANICA LUKAVAC d.o.o.
Lukavac

Član 3.

Osnivač Društva, koje nastavlja kontinuitet rada ranijeg javnog preduzeća i pravni je nasljednik javnog preduzeća je Općina Lukavac.

Osnovni kapital Društva, kao pravnog nasljednika javnog preduzeća i koji se upisuje u sudski registar, iznosi 2.000,00 KM u novcu, a stvarna, sadašnja vrijednost osnovnog kapitala utvrdiće se nakon izvršene revizije kapitala društva (kojom će se utvrditi stvarna vrijednost imovine društva), najkasnije u roku od šest mjeseci po usvajanju ove Odluke.

Član 4.

Djelatnosti javnog preduzeća - Društva u unutarnjem poslovanju, usklađene sa klasifikacijom djelatnosti Bosne i Hercegovine („Službeni glasnik BiH“, broj: 84/06 od 17.10.2006.g.), glase:

01.211	Uzgoj goveda za proizvodnju mesa
01.212	Uzgoj goveda za proizvodnju mlijeka
01.213	Uzgoj goveda za priplod

01.230	<i>Uzgoj svinja</i>
01.24 01.240	<i>Uzgoj peradi</i>
01.251	<i>Uzgoj pčela, proizvodnja meda i pčelinjeg voska</i>
01.42 01.420	<i>Uslužne djelatnosti u uzgoju životinja, osim veterinarskih usluga</i>
05.020	<i>Uzgoj ribe</i>
24.41 24.410	<i>Proizvodnja osnovnih farmaceutskih proizvoda</i>
51.11 51.110	<i>Posredovanje u trgovini poljoprivrednim sirovinama, živom stokom, tekstilnim sirovinama i poluproizvodima</i>
51.21 51.210	<i>Trgovina na veliko zrnastim proizvodima, sjemenjem i hranom za životinje</i>
51.22 51.220	<i>Trgovina na veliko cvijećem i rastinjem</i>
51.23 51.230	<i>Trgovina na veliko živim životinjama</i>
51.24 51.240	<i>Trgovina na veliko sirovom, nedovršenom i dovršenom kožom</i>
51.32 51.320	<i>Trgovina na veliko mesom i proizvodima od mesa</i>
51.33 51.330	<i>Trgovina na veliko mlijekom, mliječnim proizvodima, jajima i jestivim uljima i mastima</i>
51.38 51.380	<i>Trgovina na veliko ostalom hranom, uključujući i ribu, ljuskare i mekušce</i>
52.22 52.220	<i>Trgovina na malo mesom i proizvodima od mesa</i>
52.23 52.230	<i>Trgovina na malo ribom, ljuskarima i mekušcima</i>
52.27 52.270	<i>Ostala trgovina na malo hranom, pićima i duhanskim proizvodima u specijalizovanim prodavnicama</i>
52.313	<i>Poljoprivredne apoteke</i>
52.485	<i>Trgovina na malo cvijećem</i>
52.62 52.620	<i>Trgovina na malo na tezgama i pijacama</i>
60.24 60.240	<i>Prevoz robe u drumskom saobraćaju</i>
63.12 63.120	<i>Skladišta i stovarišta</i>
73.101	<i>Istraživanje i eksperimentalni razvoj u prirodnim naukama</i>
74.30 74.300	<i>Tehničko ispitivanje i analiza</i>
74.82 74.820	<i>Usluge pakovanja</i>
85.20 85.200	<i>Veterinarske djelatnosti</i>

Predmet poslovanja javnog preduzeća - Društva je prije svega, obavljanje veterinarske djelatnosti u skladu sa članom 91. Zakona o veterinarstvu i to:

- *Utvrđuju da li postoji sumnja u zaraznu bolest,*
- *Provode odgovarajuće veterinarsko-zdravstvene mjere radi sprječavanja širenja zarazne bolesti koje je držalac životinja dužan odmah izvršiti,*
- *U slučaju sumnje u zaraznu bolest uzimaju se odgovarajući dijagnostički materijali i dostavljaju se na pretragu u Veterinarski institut Federacije ili Veterinarski zavod Kantona ili druge laboratorije iz člana 93. Zakona o veterinarstvu,*
- *Provode propisana preventivna cijepljenja, propisane dijagnostičke i druge pretrage radi zaštite zdravlja životinja i ljudi, te mjere za otkrivanje, sprečavanje, suzbijanje i iskorjenjivanje zaraznih bolesti i zoonoza,*
- *Provode preventivna cijepljenja, dijagnostička ispitivanja i laboratorijske pretrage radi zaštite zdravlja životinja,*
- *Obavljaju preglede oboljelih životinja i sekciju lešina, ispitivanje uzoraka oboljenja ili uginuća životinja, osnovna laboratorijska ispitivanja, te promatranje životinja,*
- *Otkrivaju i prijavljuju pojavu zarazne bolesti ili sumnju u pojavu zarazne bolesti,*
- *Liječe oboljele životinje, obavljaju hirurške, porodiljske i druge veterinarske zahvate na životinjama,*
- *Liječe neplodnost i provode umjestno osjemenjivanje životinja i prijenos oplodnih jajnih stanica (embrio-transfer),*

- Provode mjere veterinarske zaštite okoline radi sprječavanja širenja i suzbijanja zaraznih bolesti životinja (dezinfekcija, dezinsekcija, i deratizacija i radiloška dekontaminacija) i zoonoza,
- Vode propisanu evidenciju i dokumentaciju,
- Izdaju pasoše za životinja i druge potvrde kada je to ovim zakonom određeno,
- Provode veterinarsko-stočarsko podučavanje u pogledu očuvanja i unaprjeđenja zdravlja i reprodukcije životinja,
- Organizuju i provode označavanje životinja u skladu sa ovim Zakonom i vode propisanu evidenciju i registar označenih životinja,
- Vrše uvoz i izvoz, promet na veliko i malo veterinarskih lijekova, vakcina, seruma i dijagnostičkog materijala, veterinarske, medicinske opreme i instrumenata u skladu sa Zakonom o lijekovima koji se upotrebljavaju u veterinarstvu (“Službene novine F/BiH” br. 15/98. – u daljem tekstu Zakon o lijekovima), sredstva za dezinfekciju, dezinsekciju i deratizaciju i radilošku dekontaminaciju opreme i sredstava za unaprjeđenje stočarstva, stočne hrane i dodatnoj stočnoj hrani, aditivi, živih životinja i jajnih ćelija, sredstva i oprema za kućne ljubimce, egzotiku i akvaristiku,
- Organizuju uzgoj i proizvodnju životinja, mesa, mlijeka, jaja i drugih proizvoda životinjskog porijekla,
- Obavljaju propisane veterinarsko-zdravstvene preglede živih životinja, životinja namijenjenih za klanje, pregled mesa i organa zaklanih životinja, namirnica životinjskog porijekla u unutrašnjem prometu, proizvodnji i skladištenju.

Član 5.

Sva pitanja od značaja za rad i poslovanje Društva u skladu sa Zakonom o javnim preduzećima F/BiH, Zakonom o privrednim društvima i Zakonom o veterinarstvu, urediće se Statutom Društva.

Skupštinu Društva čine predsjednik i dva člana, kojima za svaku sjednicu ovlaštenja daje Općinski načelnik.

Član 6.

Ova Odluka stupa na snagu danom donošenja, a objavit će se u „Službenom glasniku Općine Lukavac“.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj: 01-02-314-9/10
Lukavac, 02.03.2010.godine

Općinsko vijeće Lukavac, na 18. redovnoj sjednici održanoj dana 25.02.2010. godine, razmatralo je prijedlog za davanje saglasnosti za zaključenje vansudske nagodbe između Općine i JZU „Dom zdravlja“ Lukavac vezano za dug za usluge mrtvozorstva, te je u skladu sa članom 105. Statuta općine Lukavac - prečišćeni tekst („Službeni glasnik općine Lukavac“, broj: 5/08,), i člana 88. i 95. Poslovnika o radu Općinskog vijeća Lukavac („Službeni glasnik općine Lukavac“, broj: 5/06, 2/09 i 5/09) usvojilo sljedeći

ZAKLJUČAK

U skladu sa članom 11. stav 3 Zakona o pravobranilaštvu („Službene novine TK-a“, broj: 4/04 i 5/08), Općinsko vijeće daje saglasnost za zaključenje vansudske nagodbe između Općine Lukavac i JZU „Dom zdravlja“ Lukavac u predmetu koji se vodi pred Općinskim sudom u Tuzli broj: 032-0-Ps-07-000859 i dugovanja Općine Lukavac po istom pravnom osnovu prema JZU „Dom zdravlja“ Lukavac za period 01.09.2007.godine do 31.12.2009.godine, za koji nije pokrenut parnični postupak od strane JZU „Dom zdravlja“ Lukavac, na način, kako je to predloženo od strane Općinskog pravobranilaštva aktom broj: OP-15/10 od 22.02.2010. godine.

Ovlašćuje se Općinski načelnik da u ime Općine zaključi vansudsku nagodbu sa JZU „Dom zdravlja“ Lukavac po prijedlogu od 18.02.2010.godine.

PREDSJEDAVAJUĆI
OPĆINSKOG VIJEĆA

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinsko vijeće

Broj:01-02-6-97-1/09
Lukavac, 02.03.2010.godine

Na osnovu člana 22. stav 3., a u vezi sa članom 40. Zakona o pravobranilaštvu („Službene novine Tuzlanskog kantona“, broj: 4/04 i 5/08), Općinsko vijeće Lukavac na 18.redovnoj sjednici održanoj dana 25.02.2010.godine, donijelo je

R J E Š E N J E
o izmjenama Rješenja o imenovanju vršioca dužnosti
Općinskog pravobranioca

Član 1.

U Rješenju o imenovanju vršioca dužnosti Općinskog pravobranioca, broj: 01-02-6-97/09 od 15.09.2009.godine u članu 1. riječi „od dana imenovanja“ zamjenjuju se riječima: „od 01.08.2009.godine“.

Član 2.

Rješenje stupa na snagu danom objavljivanja u „Službenom glasniku Općine Lukavac“.

**PREDSJEDAVAJUĆI
OPĆINSKOG VIJEĆA**

Suljo Suljević, prof. soc. sr.



Bosna i Hercegovina
Federacija Bosne i Hercegovine
Tuzlanski Kanton
Općina Lukavac
Općinski načelnik

Broj: 02-05-286/10
Lukavac, 22.02.2010.godine

Na osnovu člana 41. Statuta općine Lukavac - prečišćeni tekst („Službeni glasnik općine Lukavac“, broj: 8/05) i člana 7. stav 2. tačka 3). Uredbe o jedinstvenoj metodologiji za procjenu šteta od prirodnih i drugih nesreća („Službene novine FBiH“, broj: 35/04 i 38/06), Općinski Načelnik donosi

R J E Š E N J E

o imenovanju općinske Komisije za procjenu šteta od prirodnih i drugih nesreća

Član 1.

Imenuje se općinska Komisija za procjenu šteta od prirodnih i drugih nesreća (u daljem tekstu: komisija) u sastavu:

1. Bleković Mina, predsjednik
2. Halimović Sejfo, sekretar
3. Nadžaković Zahida, član
4. Salibašić Hajrudin, član
5. Gazibegović Jasminko, član

Član 2.

Zadatak Komisije je da utvrdi vrstu i visine šteta koje nastanu na materijalnim dobrima od djelovanja prirodnih i drugih nesreća iz člana 2. Uredbe o jedinstvenoj metodologiji za procjenu šteta od prirodnih i drugih nesreća („Sl. novine FBiH“, broj 35/04 i 38/06).

Član 3.

Mandat članova Komisije je 4 (četiri) godine od dana imenovanja.

Član 4.

Stupanjem na snagu ovog Rješenja prestaje da važi Rješenje broj: 02-05-1887/05 od 04.07.2005.godine.

Član 5.

Ovo Rješenje stupa na snagu danom donošenja.

OPĆINSKI NAČELNIK

Dževad Mujkić, dipl. prav. sr.

SLUŽBENI GLASNIK OPĆINE
LUKAVAC

Broj: 02/10

Izdaje: Općina Lukavac

Uređuje: Stručna služba Općinskog vijeća

Urednik: Sekretar Općinskog vijeća Izeta Bajrić

Tiraž: 75 primjeraka

Adresa: Općina Lukavac, Općinsko vijeće

Telefon – fax: 553-253

Službeni glasnik izdaje se po potrebi